

<b>Adroddiad i'r</b>	Pwyllgor Llywodraethu ac Archwilio
<b>Dyddiad y Cyfarfod</b>	24 Tachwedd 2021
<b>Aelod/Swyddog Arweiniol</b>	<b>Aelod Arweiniol Lles ac Annibyniaeth ac Aelod Arweiniol dros Addysg, Gwasanaethau Plant ac Ymgysylltu â'r Cyhoedd, Cyfarwyddwr Corfforaethol Cymunedau</b>
<b>Awdur yr Adroddiad</b>	<b>Cyfarwyddwr Corfforaethol Cymunedau</b>
<b>Teitl</b>	Arolygiaeth Gofal Cymru – Archwiliad Sicrwydd 2021

## 1. Am beth mae'r adroddiad yn sôn?

1.1. Mae'r adroddiad hwn yn crynhoi canfyddiadau archwiliad sicrwydd Cyngor Sir Ddinbych gan Arolygiaeth Gofal Cymru (AGC) a gynhaliwyd rhwng 28 Mehefin a 2 Gorffennaf 2021. Pwrpas yr archwiliad sicrwydd oedd adolygu pa mor dda mae gwasanaethau cymdeithasol awdurdodau lleol yn parhau i gynorthwyo a chefnogi oedolion a phlant gyda ffocws ar ddiogelwch a lles.

## 2. Beth yw'r rheswm dros lunio'r adroddiad hwn?

2.1. I sicrhau bod y Pwyllgor yn ymwybodol o'r gwerthusiad hwn ar y gwasanaethau cymdeithasol a pha mor dda wnaeth yr awdurdod lleol wrth gyflawni ei swyddogaethau statudol er mwyn cadw'r bobl sydd angen gofal a chefnogaeth a'r gofalwyr sydd angen cefnogaeth, yn ddiogel a hyrwyddo eu lles dros gyfnod y pandemig.

## 3. Beth yw'r Argymhellion?

3.1. Argymhellir bod y Pwyllgor yn ystyried archwiliad sicrwydd yr AGC, y crynodeb o'r canfyddiadau a blaenoriaethau ar gyfer gwelliant; ac yn ystyried a oes angen unrhyw graffu pellach.

## **4. Manylion yr Adroddiad**

- 4.1. Mae'r Archwiliad Sicrwydd AGC hwn yn darparu gwybodaeth ar sut wnaeth yr awdurdod lleol berfformio wrth gyflawni eu swyddogaethau statudol er mwyn cadw pobl sydd angen gofal a chefnogaeth a gofalwyr sydd angen cefnogaeth, yn ddiogel a hyrwyddo eu lles dros gyfnod y pandemig.
- 4.2. Mae'r llythyr yn darparu crynodeb o'r canfyddiadau a'r blaenoriaethau ar gyfer sicrhau gwelliant. Mae'r meysydd y nodwyd fel rhai sydd angen gwelliant yn unol ag Adroddiad Blynyddol y Cyfarwyddwr Gwasanaethau Cymdeithasol a chânt eu hymgorffori o fewn Cynlluniau Busnes Gwasanaeth.

## **5. Sut mae'r penderfyniad yn cyfrannu at y Blaenoriaethau Corfforaethol?**

- 5.1. Mae'r Archwiliad Sicrwydd hwn yn darparu persbectif allanol ar berfformiad y Cyngor mewn perthynas â'r gwasanaethau cymdeithasol.

## **6. Faint fydd hyn yn ei gostio a sut y bydd yn effeithio ar wasanaethau eraill?**

- 6.1. Bydd yr ymateb i gyflawni'r camau gwelliant yn cael eu hintegreiddio i'r Cynlluniau Busnes Gwasanaeth. Bydd y gwaith o gyflawni'r rhain yn cael ei reoli o fewn yr adnoddau ariannol presennol.

## **7. Beth yw prif gasgliadau'r Asesiad o Effaith ar Les?**

- 7.1. Nid yw Asesiad o Effaith ar Les yn ofynnol gan nad yw'r adroddiad hwn yn gofyn am benderfyniad a fydd yn arwain at unrhyw newid i staff a'r gymuned ehangach. Bydd AELau yn cael eu cyflawni ar flaenoriaethau unigol os ydyn nhw'n mynnu bod prosiectau'n cael eu cychwyn a/ neu benderfyniadau yn cael eu gwneud.

## **8. Pa ymgynghoriadau a gynhaliwyd gyda'r Pwyllgor Craffu ac eraill?**

- 8.1. Cynhelir cyfarfodydd ymgysylltu yn rheolaidd gyda'r Cyfarwyddwr Corfforaethol, Penaethiaid Gwasanaeth a'r AGC, sy'n helpu i lywio'r gwerthusiad hwn yn ogystal ag asesu cynnydd drwy gyflawni gwelliant.

## **9. Datganiad y Prif Swyddog Cyllid**

9.1. Nid oes unrhyw oblygiadau cyllid sylweddol yn codi o'r adroddiad hwn gan fod y gwasanaeth wedi ymrwmo i gyflawni'r cynlluniau hyn o fewn yr adnoddau ariannol presennol. Gellir dynodi unrhyw ofynion ychwanegol a nodir yn y dyfodol fel rhan o elfen pwysau gwasanaeth ar y broses gyllido flynyddol.

## **10. Pa risgiau sydd ac a oes unrhyw beth y gallwn ei wneud i'w lleihau?**

10.1. Nid oes unrhyw risgiau yn gysylltiedig â chyflawni argymhellion yr adroddiad hwn.

## **11. Pŵer i wneud y Penderfyniad**

11.1. Nid oes gofyn am benderfyniad yn yr adroddiad hwn.